

SKPS epwe ekisano sukuun non föuföun inis me öukatw ekkewe urumwot non fansoun mwochomwoch chok

Non ewe Enimu, Nofamper 13, ewe Kepina non Oregon ren Kate Brown a appioni pwe poputa seni non Öunungat, Nofamper 18, ekkewe mwökütüküt meinsin repwe mwo kouno non ukukun ruu wiik. Mwurin ach angei ekkewe kapasen öröur seni ewe Putain Sukuun non Oregon, sia finata non osopwsek ach sipwene öküünano ika ekisano ewe atun sukuun mei kan chok köuk kunokun me chóchón non föuföun inis me öukatw ekkewe urumwot meinsin non ach ei kinikinin sukuun.

Kapas euhe sipwe sinei:

- Poputa non Sarinfan, Nofamper 16, meinsin ekkewe urumwot, me mwökütüküt repwe mwo kouno.
- Ika pwe mei fen wor met omw we sukuun mei akkota an epwe uwowto mettoch ngeni imwom we me ika sukuun non föuföun inis ren non en wiik, iwe epwe chok sopwosopw tori non Öunungat. Omw ewe sukuun ina epwe pusin poraus ngonuk faniten ekkena kókkót.
- Katoun enen chon sukuun (Grab-n-go meals) epwe chok sopwosopw seni non Sarinfan ngeni Öunungat seni kunok 11 nesosor tori kunok 1 murin neanowas. Kat tongeni kuna [ena list ren nenien katoun ekkena mwongo](#) won ach na website.
- Ekkewe ofesin sukuun repwe kesip ngeni aramas. Ka chok tongeni kökköri ekkewe sukuun won phone seni Sarinfan tori Enimwu.

Ese fokkun mecheres ekkei memef ach sipwe finata, äkkäewin ren ewe sukuun non föuföun inis mei kan chok köuk, pokiten kich mei fen sinei pwe mei anisi nöuch kewe chon sukuun mei kääö online. Sipwe chok fokkun sopweno ne anisi nöuch kewe ar repwe tori ar kääö.

Mei ëuhea ach sipwe angang fengen ach sipwe ekisitiw an epwe chëw ei samaw me fori met sipwe anisi tumwunun me pochokunen ach kewe family non SKPS tori unusen ach ei kinikin Salem-Keizer.